

Barweet nyēē kisirchi :Bāwulō Kolosaayeek

Taayta

Siriintēēt, kēnyiit nyēē /kikēēsirē āk wōlēē / kikēēsirēē: Kisirē :Bāwulō barwaani kurataat ām Rooma ām kēnyiit nyēē /kiisōōtyinē ki nyēbo 60 KK (kasee Yēyuutēk 28:16 kutas taay). Wuu nyēē /kikēēsirē kēnyiit akeenke āk nyēbo Ēfēēsō nteenee kisimkoonto ām nyoo bo Filibiik. Toorētiintēēnyii Tukiikō :nyēē kiyibē barweetaab Ēfēēsō āk nyēbo Kolosaay. Kimānāāwo :Bāwulō Kolosaay. Kiyyēē :yiisyēētaab Bāwulō ām kiriinkēētaab Ēfēēsō, kaniseetaab Kolosaay. Āybēēryoontēēt Ebaafura nyoo kireeny keey kubuntēē yiisyēētaab Bāwulō ām kaniseetaab Ēfēēsō :nyēē kiyibē lōkōōywēkaab Yēēsu Kiriistō kuba Kolosaay nyoo / kiisōōtyinē kule ki kiriinkēēnyii.

Kiyēē mii āriit āk nyēē āmu: Kiiyim mēt Ebaafura :ng'aleek chēē kimiitē Kolosaay. Yooto kuruutoochi Bāwulō ām Rooma. Kunyoo, iboorchinē :barwaani biikaab Kiriistō wōlēē māchē kōōbuurtooy. Ryoochē ntāsimuutēk, kāānēētuut chēbo biich chēē mātinyē kāāyēnēēt āk wōlēē sooytooy :Yuutayeek. Ng'al :choo chēē kimii kung'ēēnyootē biikaab Kiriistō kut koolebleeb kāāyēnēēng'waa ām wōlēē mii :Yēēsu kule inee ku lakwataab Yēyiin. Ibooru :Kiriistō wōlēē wuu :Yēyiin. Inee :nyēē iyyoong'unēē :tukuuk tukul, inee :mokoryoontēētaab biikaab Kiriistō ānku Kāārārookiintēēt nyoo kiichoomnyo

chiito āk Yēyiin. Chōōnēē :kaararaacheet wōlēē mii :inee nkit. Mātiinyē keey āk kāānēētuut alak tukul āk mbo ātēbuut alak. Ibooru :Bāwulō wōlēē ibooruntooy keey :kāāyēnchinooyēēt ām soboontaab chiito nyoo kiikutaach Kiriistō.

Kyoorōōrchi keey :Bāwulō Kolosaayeek ānkumākyi bērur

¹ Anii ku Bāwulō nyoo kitōōloo :Yēyiin āyēku lēbkēēyiintēētaab Kāārārookiintēēt Yēēsu. Āboontē keey ng'eetaabiya Tēmētēēwō. ² Āsubooyook ak-week biikaab Kiriistō ām Kolosaay choo ōtililēch ānkōōkoosēē keey Kiriistō ānkēētuubchē :tukul ām inee. Kōōbēruurook :Baaba Yēyiin ānkukōōnook kaa-lyeet.

Kisoochi :Bāwulō biikaab Kolosaay

³ Kēēbirchinē Yēyiin kōōnkōy kwaak nyoo kwaaniitaab Mokoryoontēēnyoo Yēēsu Kiriistō yoo kēēsoowook. ⁴ Kēēng'ērēkootiin kuuyu kookeekas kule ōkoosēē keey miisin Kāārārookiintēēt Yēēsu ānkōōchāmē biikaab Kiriistō tukul, ⁵ kuu yoo mii :kiy nyēē ōkēnēē keey nyēē / kiikēēkōnōrwook ām Kaab Yēyiin. Kisimokasee ng'ālyoontooni lōkōōywēkaab manta chēē kāroomēch ⁶ choo /kikyoomwook. Kuu yoo kōōkuyēstoochi :lōkōōywēchu kāroomēch kōōrēēt tukul ānkōōkuyibchi biiko bērur, kyōōbēruurāksē :nkakweek kung'eetee bēsyoonoo kyōōkāsē ānkōōnkēt kule chāmook man :Yēyiin. ⁷ Kyōōkāsēē lōkōōywēchu Ebaafura nyoo kēēyēyiisyē :tukul ānku chiinyoo nyoo kēēchāmē. Iyyoong'oot :inee kuyēyē

yiisyēētaab Kiriistō kubo akweek. **8** Inee mbo subak :nyēē kyoomwēēchacheek choomnyēēt nyēē ūboontēē keey ām Tāmirmiryēētaab Yēyiin.

9 Kunyi, kiikēēsoowunoonwook kung'eetee kikeekas ng'aleechaa ākoy kura, kule okas kuchurta kiyēē mākwook :Yēyiin ānkōōnyōōru kiirnātēēt nyēē wōō nyēē kōōnu :Tāmirmiryēēnyii. **10** Yooto nanyuun, +moong'ereech Mokoryoontēēt ām ātēbuutēkwook, ūyēyē ng'aleek chēē kāroomēch ānkōōtāsē taay ūnkētē Yēyiin miisin. **11** Kēēsooyē kule ūkiilchē ām kāāmuukēywēēkyii tukul sōōmuytooy ānkōōlukuyē ng'al ām ng'erekweek **12** ūbirchinē Baaba kōōnkōy nyoo kiyēyook ūnoomnyē āk biikaab Kiriistō alak oyemte :tukul lēbkēēyyēētaab Kaab Yēyiin.

Wōōyintaab Kāārārookiintēēt

13 Kiikōōnēmunēēnēēch :Yēyiin wōlēē mii :kāāmuukēywēēkaab mēēnānēēt ānkōōwuuchēēch bāytooyiisyēētaab lakwanyii nyoo chāmē. **14** Lakwanyii nyiitēnyi :nyoo yēyē /kiityaakteech / ānkēēnyōōwēēch kaat ām ng'ōōkiswookikyoo. **15** Inee :nyēē kiiboorunēē keey :Yēyiin nyoo -/mākēēkāsē. Kisimkutook :inee / kumanaakeeyey kōōrēēt, **16** kuuyu kibununēē inee :kiy ake tukul nyoo miitē barak āk nyoo miitē ng'wēny, choo /kēēkāsē āk choo -/ mākēēkāsē, bāytooyik āk mokorēēnik, choo bāytooyiisyē ām kōōrēēt barak āk choo bo kāāmuukēywēēk. / Kikēēyēyē kiy ake tukul

1:7 Kolos. 4:12; Filēm. 23 **1:10** Filib. 1:9 **1:10** Filib. 1:27

1:12 Ēfēēs. 1:18 **1:13** Yēyuut. 26:18; Ēfēēs. 2:2; 1:21 **1:14** Ēfēēs. 1:7 **1:15** 2Kōōr. 4:4; 1Tēm. 6:16; Ibu. 1:3

kubo inee. **17** Kimii :inee / kumanaakeeyey kiy
ake tukul ānkutāsē taay :tukuuchooto tukul ām
kāāmuukēywēēkyii.

18 Kunyi, biikaab Kiriistō tukul ku bōōrnyii ānku
inee :mētit. Inee :nyēē kitoowunēē keey :kiy ake
tukul ānku kaabooreet kung'eetee meet sukubāwu
kiy ake tukul. **19** Kicham :Yēyiin kukerkeyiit :Kiri-
istō āk inee ām keel ake tukul. **20** Kimāchē :Yēyiin
kōōchoomnyo kiy ake tukul āk inee kubununēē
Kiriistō ānku tukuuk chēē miitē ng'wēny nto chēē
miitē barak. Kiyib kaalyeet kubununēē koroti-
ikaab Kiriistō choo kiwāstooy keey ām murtooy-
woontēēt.

21 Kyōōlōōyēch ām wōlēē miitē :Yēyiin
ānkyōōyēku buunikyii, kuuyu kyōōyēyē ng'aleek
chēē miyootēch. **22** Nteenee kwōōchoomnyē ra
āk inee kubununēē meetaab Kāārārookiintēēt
sukung'eet obe wōlēē miitē ōtiliilech nyēē
-mōōtinyē tisya āmāmii :chii nyēē mwooyē kule
ōtinyē miyootyo. **23** Yoo sōōyityi yoto, ōkiimii
ōkoosēē keey Kiriistō amamaasaak :chii osatee
keey kiyoo ōkēnēē keey kubununēē lōkōōywēk
chēē kāroomēch choo / kikyoomwook choo /
kikyoomchinē biiko tukul ām kōōrēēt ānku chooto
:chēē kwāāyēkunēē :anii Bāwulō motwooriin.

Yiisyēētaab Bāwulō

24 Ang'erechaat anyalil kubo akweek. Abaybay
akas kule ākālābē nyāliluutēk choo kiituuchē
:Kāārārookiintēēt kubo biikaab Kiriistō choo

1:16 Yoowa. 1:3 **1:18** Yēyuut. 4:2; 1Kōōr. 6:14; Ņfēēs. 1:22-23;
Ng'oong'. 1:5 **1:19** Ņfēēs. 1:23; Kolos. 2:9 **1:20** 2Kōōr. 5:19;
Ēfēēs. 1:7, 22; 2:14 **1:22** Ņfēēs. 2:12-13 **1:22** Room. 5:10; Ņfēēs.
5:27 **1:23** Kala. 1:16

icheek ku bōōrnyii. **25** Āyēchinē :anii biikyii yiisyēēt, kuuyu kitoola :Yēyiin ā-āmwook kuyityiin :ng'ālyoontēēnyii nyoo **26** /kikiyeelaan kung'eetee kēny, nteenee /kōōkiiboorchi ra biikyii. **27** Kichōb :Yēyiin kule kōōboorchi biiko tukul wōōyintaab ng'ālyoontoonoo kiiyeelaat. Ng'ālyoontoonooto ku kule: Miitē :Kiriistō āriinyoo ānkiikēnēē keey bērurtaab Kaab Yēyiin kubununēē inee. **28** Kiriistō nyooto :nyiitēnyi kyoomtooy :acheek kiisōōwu ānkiinēētē chii ake tukul ām kiirnātēēt tukul sukuukiimii ankuchurtaat ām Kiriistō yoo yitu taayeetaab Yēyiin. **29** Kiyiitēnyi :nyēē āmiitē ā-āmchinē booryēēt ānkāābirtoochinē nkuruuk kuyēētyēēchoo :Yēyiin.

2

1 Āmāchē ōnkēt kule āmiitē ā-āmē booryēēt kubo akweek Kolosaayeek, biikaab Kiriistō ām Laawotikeeya āk alak choo manaakasa. **2** Āmāchē ātitir biiko kunoomnyo ām chamateet sukukich miisin ānkōōnkēt kāroomin kiyēē kikiyeel :Yēyiin nto nyooto ku Kiriistō. **3** Kiriistō :nyēē ng'oong'u tukuuk tukul chēbo kiirnātēētaab Yēyiin choo kāroomēch ānkiiyēēlootiin. **4** Āmwoowook ng'aleechu simeeber-beereenaak :chii ng'aleekaab kwilat chēē bērē :chii kāroomēch ākoo buryo. **5** Ānkoo -mākēēboontē keey akweek ām wōloo ūmiitē, kēēboontē keey ām Tāmirmiryēēt ankaang'erechaat akas kule ūbuurē

1:24 2Kōōr. 4:10-12; Īfēēs. 3:13; 2Tēm. 2:10 **1:27** Īfēēs. 3:6;
Kolos. 2:2; 4:4 **1:28** Īfēēs. 4:13 **1:29** Yēyuut. 19:11; Īfēēs. 3:7
2:1 Kolos. 4:13, 15-16 **2:2** Kolos. 1:26-27 **2:3** 1Kōōr. 1:24,
30 **2:4** Room. 16:18

ām kēēlto nyēē karaam ḍyēñchinē Kiriistō nyēē māmoosook :kiy.

Kiikootyaakteeneech :Kiriistō kiruutēkaab biiko

6 Kuu yoo kyōōyēñchi Kāärārookiintēēt Yēēsu nyoo Mokoryoontēēng'woong', otas taay ḍbuurtooy inee. **7** Ḍkwērtoochi inee tiikiitēk sōökich kāroomin ām soboonwēkwook. Ḍkoosēē keey inee nkit kuu wōloo /kiikiinēētitook ānkōōbirchinē Yēyiin kōōnkōy kibtaman.

8 -Moo-aste keey kwaasantaak :alake ḍrātākiisyē kubununēē kāānēētuut alak chēē māyēētyēēchinē kiy. Kāābērbēēriisyō :nyoo nyēē rubtooy keey āk ātēbuut chēbo biiko buch nyēē iyyoong'unēē wōlēē wuu :ātēbuutēkaab kōōrooni, kusiir chēbo soboontaab Kiriistō. **9** Kiiboorunēē keey :Yēyiin Kiriistō kutukul **10** ankiikooluumaaak akweek :Yēyiin kutukul ām Kiriistō nyoo inee :nyēē bāwu kiy ake tukul. **11** Yoo kyōōwēēksēē ng'ōōkiswookikwook */kikiimuraatanaak ḍbooyiitu Kiriistō. *Kāāmurootāniisyō :nyoo nyēē makerkeey āk nyoo yēyē :biiko nteenee /kikiimuraatanaak ām Kiriistō, **12** yoo /kikēēbātisānook. /Kikeemuyaak āk Kiriistō / ankiing'eeteenaak meet āk inee, kuuyu kyookaasee keey kāāmuukēywēēkaab Yēyiin nyoo kiing'ēētēē inee meet. **13** Yoo kikiikubaraak :ng'ōōkisoo kyōōboontē, kyōōminyēē soboonooto. Nteenee kukōōnook :Yēyiin soboonto nyēē lēēl kuu yoo kiikoochinē Kiriistō. Kinyōōwēēch :Yēyiin kaatacheek tukul ām

2:5 1Kōōr. 5:3 **2:7** Ḋfēēs. 3:17 **2:9** Ḋfēēs. 1:21; Kolos. 1:19

2:11 Room. 2:28-29; Ḋfēēs. 2:11 **2:12** Room. 6:3-4; Ḋfēēs. 2:6; Kolos. 3:1

ng'ōōkiswookikyoo ¹⁴ yu kiibuuktoowēēch kiyēē kikiikōōtiilwēēch :kiruutēk ānkōōnēmtoowēēch ng'aleechaa ānkukwērtoochi murtooywoontoonoo.

¹⁵ Kiikubut kāāmuukēywēēkaab tāmirmirook chēē miyootēch choo bāytooyiisyē ankoobaartaat icheek kuu kibratiis nto yityo kōōrōōktoochi murtooywoontēēt.

¹⁶ Kunyi, -mēētiilchook :chii ng'al kukōōnook kiruut kubo āmit, kiyēē ōyyēē, ntāsimuut bo saay-eet kuu chēbo yoo kālēēl :araawa nto ku bēsyēētaab *Sabaato. ¹⁷ Kiimutyoonu :kiruutēchoo ng'al chēē kimii kukwoonii. Nto ng'ālyoontēēt nyēbo man ku Kiriistō.

¹⁸ Kicham :biiko alake kuyēyē keey kule kāyib keey ng'wēny ānkukutunkynē malayikaanik. -Mookany kukerektaak :bichooto -mākēētuwēnook. Ng'āsē keey :bicho kule nyōōru ng'oong'uutēk, nteenee kubooyiit man, itoomootē ng'al. Kerkeey :ng'aleekwaa āk wōlēē wuu :kāāsōōtēywēēkaab biiko choo māyēētyēēchinē chii kiy. ¹⁹ Kikoobetyeenyee keey :chii nyēē wuu nyoo wōlēē miitē :Kiriistō nyoo inee ku mētit ntoacheek ku bōōrnyii nyēē tākēēnoomtōōsii āk inee kuu yoo inoomtōōs :yiinook āk mēliilook bōōrto, kēēnēērtōōsii ānkēēnyōōru nkuruuk kukwaanee wōlēē miitē :Yēyiin.

²⁰ Kyōōbēku /ankiikiityaakteenaak ātēbuutēkaab kōōrooni kuu yoo kimēē :Kiriistō. Ām nee yu tōōrubē kiruutēkaab kōōrooni ²¹ chēē mwooyē kule:

2:13 Ēfēēs. 2:1, 5 **2:14** Ēfēēs. 2:15-16; 1Bēt. 2:24 **2:15** Ēfēēs. 1:21 **2:16** Room. 14:1-6; Kala. 4:10; 1Tēm. 4:3 **2:17** Ibu. 8:5
2:18 Ēfēēs. 1:21; Kolos. 1:16 **2:19** Ēfēēs. 1:22-23 **2:20** Kala. 4:3-5, 9

-moonam nyi, -moo-am nyi nto -mōōtiiny nyi?
22 Kāānēētuutēkaab biiko buch :kiruutēchoo tukul.
 / Kikēēyēyē āmiik kule / sikyoomē ānkuyēyiisyeē
 :bōōrto. **23** Tooku :kiruutēchu sinee wuu nyēē
 bo ng'oомнān ānkumāchāksē / kiinēmchinē keey
 miisin / ānkēēyēyē keey wuu nyēē / kēēybē
 keey ng'wēny ānkuwuuyiityinē bōōrto, nteenee
 māyēētyēēchinē :kiruutēchu chiito kuriibēē keey
 muchastaab bōōrto.

3

Kēēlto nyēbo soboonto nyēē tiliil

1 Kunyi, kuuyu kyōōwut soboonto nyēē lēēl kuu
 yoo king'ēētē :Kiriistō, ōchēēng'ē kiyēē miitē Kaab
 Yēyiin wōloo miitē :inee kukēēbuurunēē āwutaab
 taay nyēbo Yēyiin. **2** Māchāktōōs ōsōōtē tukuukaab
 Kaab Yēyiin -āmōōwoonkyi kāāsōōtēywēēkwook
 tukuuk choo rubtooy keey āk soboontaab
 kōōrooni. **3** Kiikubēk :soboонwēkwook choo
 kibo kēny ānkumii :soboонwēkwook choo leelach
 wōlēē mii :Kiriistō kubo kiyēē kiikuyey :Yēyiin.
4 Yoo kēēyēēw :Kiriistō ām lēbkēēyyēētaab Yēyiin
 makeekerkeyiitu inee.

5 Kunyi, māchāktōōs ōtub kiy ake tukul nyoo
 rubtooy keey āk soboontaab kōōrooni kuu: Martaayeet,
 soboonto nyēē mā tiliil, muchas nyēbo
 bōōrwoon, āk kāāsōōtēy chēē miyootēch. Otayee
 keey mooroong'nyaantiit, kuuyu tōōrchinē chii ku-
 tiyyēē mēt tukuuk chēē boonto yoo kātēēkoosēē

keey Yēyiin. **6** Mākōōng'woonchi :Yēyiin biiko choo yēyē ng'aleechaa.

7 Kyookerkeeye :nkakweek nyooto yoo kitōōrubē ng'aleekaab soboontaab kōōrooni. **8** Nto raat, osatee keey tukuuchoo. -Mōōnyēērchinē keey āmōō-āwēsyinē keey. -Mōōkāwōōtēnchinē keey, āmōōng'āloolēē keey nyēē miyaat, āmōōwiirunootē ng'al chēbo rōkōs. **9** -Mōōbērbēērē keey, kuuyu kyōōmētē kāāburng'woong' nyoo kibo taay āk ātēbuutēkyii **10** ankoonam soboonto nyēē lēēl. Miitē :Yēyiin kōōlēēliitē kāāsōōtēywēēkwook okerkeyiitu inee. **11** Yoo nyēē mā Yuutāyiin nto Yuutāyiin, nyēē imuraatanaat nto nyēē meemuraatanaat, soboyiin, boontāyiin, motwooriin nto nyēē bāwu keey. Nteenee Kiriistō :nyēē kiy ake tukul ānkuminyē āriitaab chii ake tukul nyēē mēēkutiny kule ng'oo :ng'oo.

12 Kunyoo, kuuyu chāmook :Yēyiin ankookuk-weyaak ōyēku cheechii chēē ōtililēch, māchāktōōs ūriirēē alak, ōlēēliityinē keey moon, ōyibē keey ng'wēny, ōtālāyiitu, ānkōōlukuyē ng'al. **13** Ōmuytoochinē keey ānkōōnyōōchinē keey kaat ām ng'ālyoo ake tukul nyēē kōōkuyēchi chiito :ake ake. Ōnyōōchinē keey kaat, kuu yoo kinyōōwook kaat nkakweek :Mokoryoontēēt. **14** Nto ng'ālyoontēēt nyēbo koomānuut miisin ku chamateet. Inoomtōōs :chamataani biiko kuyēk akeenke kuchurta.

15 Okany kubāw :kaalyeetaab Kiriistō

3:5 Room. 6:6, 11; 8:13; Kala. 5:24 **3:6** Œfēēs. 5:6 **3:7** 1Kōōr. 6:11; Œfēēs. 2:3, 11-12; 4:22; 5:8; Tiitō 3:3 **3:8** Kala. 5:19-21 **3:10** Œfēēs. 4:22-24 **3:11** Kala. 3:27-28; Kolos. 2:11 **3:13** Œfēēs. 4:32
3:14 Œfēēs. 5:2

kāāsōōtēywēēkwook, kuuyu / kikēēkuurook ōyēku kiito akeenke ām kaalyaanaa ūbirchinē Yēyiin kōōnkōy ākookoy. ¹⁶ Koolumaak :ng'ālyoontēētaab Yēyiin. Ōnēētiisyē, ānkōōyisu keey ām kiirnātēēt tukul. Ōsiltooy Yēyiin ūbirchinē kōōnkōy ām tyēēnwookik chēē makerkeey ākoo tyēēnwookik chēē iboorwook :Tāmirmiryēēt. ¹⁷ Nto yoo ūmwooyē ng'ālyoo nto yoo ōyēyē kiy, māchāktōōs ūmwooyē ānkōōyēyē ām kaayneetaab Mokoryoontēēt Yēēsu ānkōōbirchinē Baaba Yēyiin kōōnkōy kubununēē inee.

*Wōlēē māchāksē kōōbuurtooy :biikaab Kiriistō
(Ēfēēsēēk 5:22—6:9)*

¹⁸ Māchāktōōs kōōywēyē :koorko ake tukul saanteenyii. Kēēlto :nyooto nyēē mākwook :Mokoryoontēēt. ¹⁹ Nto akweek murēnik, mākwook kuchāmē :chii koorkēēnyii nyēē māwusē. ²⁰ Māchāktōōs akweek lēēkōōk ōywēyē sikiikwook ām keel ake tukul. Yoo ōyēyē kuu nyooto, ūng'ērēēchē Mokoryoontēēt. ²¹ Māmāchāksē akweek sikiik ūwusē lōkōkwook. Yoo kōōwus, kōōbānoonē keey :lōkōchoo.

²² Nto akweek motwoorik, māchāktōōs ūkāsyinē mokoreēnikwook ām kōōrooni ām keel ake tukul. -Mōōyēyē kuu nyooto baateey yoo kāsook soong'ereech icheek, nteenee ōyēyē ām mooyēēt akeenke, kuu yoo ūkoonyitē Mokoryoontēēt. ²³ Yoo ōyēyē kiito ake, ōyēyē ām mooyēēt akeenke, kuuyu nyēē ūmiitē ōyēchinē yiisyoonoo ku Mokoryoontēēt mēēbērē biiko. ²⁴ Māchāktōōs

3:15 Ēfēēs. 4:2-4 **3:15** 1Kōōr. 7:15; Ēfēēs. 1:23; 4:3; Filib. 4:7,
9 **3:17** Ēfēēs. 5:19-20; Ibu. 13:15 **3:18** Ēfēēs. 5:22-24 **3:19**
Ēfēēs. 5:25-33 **3:20** Ēfēēs. 6:1-3 **3:21** Ēfēēs. 6:4

ōnkēt kule mākutuwēnook :Mokoryoontēēt Kiriistō nyiitēnyi ōmiitē ōyēchinē yiisyooni. ²⁵ Chii ake tukul nyoo yēyē kiy nyēē miyaat, +/mākēēyēchi nyēē wuu nyooto. Māchāmē :Yēyiin chiito ake kusiir ake.

4

¹ Āmwoowook nkakweek mokorēēnik kule ōyēchinē motwoorikwook manta ām kēēlto nyēē yemaat ānkumāchāktōōs ūnkētē kule ūboontē :nkakweek Mokoryoontēēt nyēēng'woong' ām kibkōōnkōy.

Ōsooyē ūnkōō-āmtooy lōkōōywēk chēē kāroomēch

² Ōnēmchi keey soowuutēk, ūriibē keey ākookoy ūnkōōbirchinē Yēyiin kōōnkōy. ³ Ōsoowēēch nkacheek kuyootwēēch :Yēyiin kēēlto sikyaamte lōkōōywēkaab Kiriistō choo /kiikēēng'oong'wēēch. Kiyooto :nyi kiyey /keerata anii. ⁴ Osaay kule a-amte lōkōōywēchu kukas :biiko nyēē karaam.

⁵ Ōkāsu yoo ūboontē keey biiko choo -mēēnkētē Yēyiin. Ōyēyiisyēē nyēē karaam bārooyin ake tukul nyoo kōōnyōōru. ⁶ Ōng'āloolchinē bichoo ām kēēlto nyēē karaam nyēē ibāybooyē ūnkōōwālchinē tēēbuutēkwaa nyēē karaam.

Kāā-āmīisēēt

⁷⁻⁸ Ng'eetaabiya :Tukiikō nyēē chamaat. Yēyē :inee yiisyēēnyii ām mooyēēt akeenke ūnkēēyēchiintōōs :tukwaay yiisyēēt ām Kiriistō. Āmītē āyooku chokōōboorwook wōlēē wuu

3:25 Ḗfēēs. 6:5-8 **3:25** Room. 2:11 **4:1** Ḗfēēs. 6:9 **4:2** Luuka 18:1 **4:3** Room. 15:30 **4:4** Kolos. 1:26-27 **4:5** Ḗfēēs. 5:16; 1Tēēs. 4:12 **4:6** Ḗfēēs. 4:29; 1Bēt. 3:15

:ng'aleek ām wōlēē kēēmiitē :acheek ānkōōkiimook. Māchokwoomwook ng'ālyoo ake tukul kurubta keey āk anii. ⁹ Mākuchōōnto keey ng'eetaabiya Ōnēēsimō nyoo akeenke ām akweek. Kiikoosēē keey murooniitēnyi ānkēēchāmē. +Mābokumwoowook :murēchooto kiy ake tukul nyēē miitē kuyēyāksē ām wōlī.

¹⁰ Isubooyook :Aristaarko nyoo kēērātootiin :tukwaay ānkōōsubooyook :nkinee Māārkō nyoo tilyeetaab Barnaaba. Ābērē kyōōnyōōru kuut kule yoo kāchō :Māārkō otorooch. ¹¹ Isubooyook mbo :nkinee muroonoo /kēēkuurēē Yēēsu nto kule Yuustō ām kaayneet ake. Icheek :Yuutayee baateey cheēē kēēboontootē keey kēēyēē yiisyēētaab Yēyiin ānkōōkōōwoong'woo ng'ēēlātēēt. ¹² Isubooyook :nkinee Ebaafura nyoo nyēēng'woong' ānku motwooriintēētaab Kiriistō. Āmē booryēēt kwaak kussoowook nto anyuun ōkiilchē ām kiyēē mākwook :Yēyiin ānkōōkich. ¹³ Ayēnchiintōōsii āk booryēēt nyēē miitē kwoomē :inee kubo akweek, biikaab *kiriinkēētaab Laawotikeeya āk nyēbo Iyerabooli. ¹⁴ Isubooyook mbo :nkinee kāānyooyiintēēt Luuka nyoo kēēchāmē āk nkinee Teema.

¹⁵ Ōsuboowoo mbo ng'eetaabiya choo bo Laawotikeeya ānkōōsuboowoo nkinee cheebiya Niimfa āk biikaab Kiriistō choo sooyēē kōōnyii. ¹⁶ Yoo / kāākēēsumānwook lōkōōywēchu, māchāktōōs okas kule /kāākēēsumānchi nkicheek kaniseet ām Laawotikeeya ankoosuman :nkakweek barweet ake

4:7-8 Ḳfēēs. 6:21-22 **4:9** Filēm. 10 **4:10** Yēyuut. 19:29; 12:12

4:12 Kolos. 1:7 **4:13** Kolos. 2:1 **4:14** 2Tēm. 4:10-11; Filēm.

nyēē kyāāsirchinē bichooto.

17 Ōmwoochi Ārkiibō kule māchāktōōs kootery-
eech yiisyēētaab Mokoryoontēēt nyoo /kikiitōōrchi.

18 Ng'ālyoontēēt nyēē āmiitē wāā-āmiisēēnook, ku
nyēē āsirē :anii Bāwulō nkityō ām āwunyuu. Lēyyē,
-mōōwuutyēē kule arataat. Kōōbēruurook :Yēyiin.

Biibilya Nyēē Tiliil New Testament in Sabaot (KE:spy:Sabaot)

copyright © 2011 Wycliffe Bible Translators, Inc.

Language: Sabaot

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9966002030

The New Testament

in Sabaot

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
c68c9dca-518f-544b-a52e-82240cf64928